

UGOVOR
DETERDŽENTI ZA INDUSTRIJSKU MAŠINU ZA PRANJE VEŠA

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., Sarajevo, ID broj: 4200665390008 koju zastupa direktor, Dženan Brkanić, (u daljnjem tekstu: **Ugovorni organ**), i
2. **HAGLEITNER HYGIENE BiH d.o.o.**, ul. Kninska b.b., 74400 Derventa, ID broj: 4403355790004, koju zastupa zamjenik direktora, Gordana Miškić, (u daljnjem tekstu: **Dobavljač**).

U daljem tekstu Ugovora, kada se Ugovorni organ i Dobavljač navode zajednički, tj. zbirno, tada su označeni kao „**Ugovorne strane**“.

II OSNOV ZA ZAKLJUČENJE UGOVORA

Osnov za zaključenje ovog Ugovora je Odluka o izboru najpovoljnijeg ponuđača za nabavku roba, Ugovornog organa, broj: 06-11-617-8/24 od 01.07.2024. godine i ponuda Dobavljača, broj: 01-6/24 od 17.06.2024. godine.

III PREDMET UGOVORA

Član 1.

Predmet ovog Ugovora je nabavka i isporuka deterdženta za industrijsku mašinu za pranje veša, prema tehničkim specifikacijama, koje su navedene u Tenderskoj dokumentaciji za nabavku robe Ugovornog organa, broj: 06-11-617-2/24 od 11.06.2024. godine, kao i u ponudi Dobavljača, br. 01-6/24 od 17.06.2024. godine, koje čine sastavni dio ovog Ugovora.

Član 2.

Deterdžente za industrijsku mašinu za pranje veša iz člana 1. ovog Ugovora (u daljem tekstu: roba), Dobavljač je dužan isporučiti prema svojoj Ponudi, te prema uputstvima Ugovornog organa i u skladu sa važećim tehničkim propisima, pravilima i standardima.

IV CIJENA I NAČIN PLAĆANJA

Član 3.

Ukupna vrijednost ugovorene robe bez PDV-a definisane u članu 1. ovog Ugovora iznosi: 12.664,45 KM (slovima: dvanaesthiljadašeststotinašezdesetčetiri 45/100 KM).

PDV na ukupnu vrijednost ugovorene robe iz prethodnog stava ovog člana iznosi: 2.152,96 KM (slovima: dvijehiljadestotinupedesetdvije i 96/100 KM).

Ukupna vrijednost ugovorene robe sa PDV-om iznosi 14.817,41 KM (slovima: četrnaesthiljadaosamstotinasedamnaest i 41/100 KM).

Cijena je fiksna i ne podliježe nikakvim promjenama za vrijeme trajanja Ugovora.

Član 4.

Ugovorne strane su saglasne da će Ugovorni organ ukupan iznos iz člana 3. ovog Ugovora isplatiti Dobavljaču po obostranom potpisivanju ugovora, a nakon isporuke, u roku od deset dana na račun Dobavljača broj: 1610450062910066 otvoren kod Raiffeisen banka d.d..

U slučaju da se prilikom primopredaje robe, konstatuju nedostaci i odstupanja od tehničkih specifikacija datih u Ponudi br. 01-6/24 od 17.06.2024. godine, Ugovorni organ se obavezuje da će isplatu izvršiti odmah, a najkasnije u roku od 10 dana, nakon što Dobavljač otkloni nedostatke konstatovane u Zapisniku o primopredaji roba iz člana 9. ovog Ugovora.

V ROK I MJESTO ISPORUKE

Član 5.

Dobavljač se obavezuje da će robu iz člana 1. ovog Ugovora, isporučiti najkasnije u roku od 10 dana od dana potpisivanja Ugovora na adresu: ul. Fehima ef. Čurčića br. 1., 71000 Sarajevo.

Član 6.

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Dobavljač nije mogao predvidjeti,
- kada ugovorne strane sporazumno produže ugovorni rok.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati, niti ih predvidjeti ili spriječiti.

Član 7.

Ugovoreni rok isporuke robe zbog nastanka više sile ili drugih okolnosti koje Dobavljač nije mogao predvidjeti može se produžiti i isti odobrava Ugovorni organ, s tim što je Dobavljač dužan da u roku od sedam dana od nastanka više sile ili drugih okolnosti zbog koji ne može izvršiti svoje obaveze po ovom Ugovoru, obavijestiti Kupca.

Ukoliko Dobavljač svoje obaveze, zbog dejstva više sile ili nastanka nepredviđenih okolnosti, ne može ispuniti u roku iz prethodnog stava, Ugovorni organ ima pravo na raskid Ugovora.

VI KVALITET ROBE

Član 8.

Dobavljač se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi, br. 01-6/24 od 17.06.2024. godine, a koju je Ugovorni organ odabrao kao najpovoljniju.

Kvalitet i karakteristika robe koja je predmet ovog Ugovora, kontrolisat će ovlašteni predstavnici Dobavljača i Ugovornog organa.

Primopredaju predmetne robe izvršit će ovlašteni predstavnici Dobavljača i Ugovornog organa.

O navedenoj primopredaji robe sačinjit će se Zapisnik o primopredaji, odmah, a najkasnije u roku od 24 sata, od prijema robe, koji će potpisati ovlašteni predstavnici Dobavljača i Ugovornog organa.

Član 9.

Sva eventualna odstupanja i nedostaci, prilikom primopredaje robe, konstatovat će se Zapisnikom o primopredaji robe.

Dobavljač se obavezuje da će primjedbe konstatovane Zapisnikom o primopredaji otkloniti, o svom trošku, odmah, a najkasnije u roku od 7 dana, od dana potpisivanja navedenog Zapisnika.

Ako u navedenom roku Dobavljač ne otkloni primjedbe konstatovane Zapisnikom o primopredaji robe, Ugovorni organ zadržava pravo da raskine Ugovor.

VII OBAVEZE UGOVORNIH STRANA

Član 10.

Dobavljač se obavezuje:

- da će ugovorene obaveze izvršiti blagovremeno, u ugovorenom roku, stručno i kvalitetno, prema dostavljenoj Ponudi;
- da će u najkraćem roku otkloniti eventualne nedostatke koji mu budu predočeni prilikom primopredaje roba iz člana 1. ovog Ugovora od strane ovlaštenog lica Ugovornog organa;
- da će prilikom primopredaje roba iz člana 1. ovog Ugovora, Ugovornom organu predati deklaracije proizvođača.

Član 11.

Ugovorni organ se obavezuje:

- da će izvršiti uplatu ukupne cijene vrijednosti ugovorenih roba iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Dobavljača o svakom eventualnom propustu Dobavljača u odnosu na pitanja utvrđena ovim Ugovorom.

VIII GARANTNI ROK

Član 12.

Za isporučenu robu važi garancija proizvođača robe. Garantni rok teče od dana kompletne isporuke robe.

IX UGOVORNA KAZNA I RASKID UGOVORA

Član 13.

Ukoliko Dobavljač ne izvrši svoje obaveze u ugovorenom roku, dužan je da, Kupcu za svaki dan zakašnjenja plati ugovornu kaznu u iznosu od 0,1% od ukupne vrijednosti ugovora bez PDV-a.

Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

Član 14.

Ukoliko isporuka roba ne bude u ugovorenom roku iz člana 5. ovog Ugovora ili u dodatno dogovorenom roku iz člana 7. ovog ugovora, Ugovorni organ zadržava pravo jednostranog raskida Ugovora.

Razlog za raskid Ugovora može biti i stečaj, likvidacija ili drugi oblik prestanka postojanja Dobavljača ili više sile.

Član 15.

Ugovorne strane su dužne u roku od sedam dana obavijestiti drugu stranu o nastupanju razloga zbog kojih se ne može realizovati ovaj Ugovor.

X PRELAZNE I ZAVRŠNE ODREDBE

Član 16.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 17.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz ma kog razloga, to ne budu moguće, nadležan je Općinski sud u Sarajevu.

Član 18.

Ovaj Ugovor stupa na snagu danom njegovog potpisivanja od strane ovlaštenih predstavnika Dobavljača i Ugovornog organa.

Član 19.

Ugovor je sačinjen u 5 (slovima: pet) istovjetnih primjerka, od kojih Ugovorni organ zadržava 3 (tri), a Dobavljač 2 (slovima: dva) potpisana i ovjerena primjerka.

DOBAVLJAČ
HAGLEITNER/HYGIENE BiH
DIREKTOR

Gordana Miškić

M.P.

Broj:
Sarajevo, __. __. 2024. godine

UGOVORNI ORGAN
KUCZ KS
P.O. DIREKTOBA

Kemal Cacan

M.P.

Broj: 06-11-617-11/24
Sarajevo, 30. 7. 2024. godine